

Zeitschrift: Igl Ischi : organ della Romania (Societat de Students Romontschs)
Herausgeber: Romania (Societat de Students Romontschs)
Band: 13 (1911)

Rubrik: Statuts della Romania : Societat de students romontschs

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation


L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 06.05.2025

ETH-Bibliothek Zürich, E-Periodica, <https://www.e-periodica.ch>



Statuts della Romania.

(Societat de students romontschs.)

Revedi ils 3 de Sett. 1911.

§ 1.

La Romania consista ord commembers activs e passivs.

Commember activ sa mintga student romontsch daventar. Sco commember passiv vegn per regla scadin auter abonnent digl organ official consideraus.

§ 2.

Igl intent della Romania ei de mantener e cultivar il Romontsch, siu spért, sia historia e literatura.

§ 3.

Quei intent vegn realisaus:

- a) tras ina redunonza annuala dils commembers;
- b) tras ina publicaziun annuala de lavurs romontschas sut il num «Igl Ischi»;
- c) tras instradar, promover e sustener era autras ovras, che surveschan pil bien dil lungatg ne dil pievel romontsch.

§ 4.

La prestonza duei mintgamai cu ella anfla per bien unir culla redunonza dils commembers

ina reuniun publica e populara, ella quala adattai referats dueian vegnir teni.

§ 5.

Scadin commember activ ha de comparer ella redunonza annuala.

§ 6.

Ils commembers activs e passivs han il medem dretg de votar. Solettamein dall'elecziun dil president e dils auters commembers activs della prestonza san ils passivs buca separticipar.

§ 7.

La societad metta sin sia redunonza ina prestonza de tschun commembers. Dus, denter quels il president, dueian esser activs.

§ 8.

La prestonza vegn ordinariamein elegida tras scrutini, autras elecziuns e votaziuns d'aventan tras tscharna, nun che duas tiarzas dils commembers presents decidien autruisa.

§ 9.

Il redactur digl organ ed il cassier vegnan mintgamai elegi per treis onns.

§ 10.

La redacziun vegn assistida d'in cussegl redaczional de dus commembers, elegi semegliontamein era mintgamai per treis onns.

§ 11.

Al redactur vegn offriu sco renconuschientscha per sia breigia e ses survetschs 30 exem-

plars digl Ischi, a scadin collaboratur 30 squetschs separats de sia contribuziun. Quei diember sa vegnir augmentaus cun lubientscha della prestonza.

§ 12.

La prestonza numna mintg' onn dus revisurs de quen.

§ 13.

La prestonza sa disponer dad ella ano egl interess della societat tochen sin 30 fr.

§ 14.

Il liug festiv per igl onn futur vegn mintgamai proponius entras la redunonza de commembers e destinaus definitivamein entras la prestonza.

§ 15.

La redunonza sa sclauder cun duas tiarzas dellas vuschs scadin commember, era senza stuer indicar motivs.

§ 16.

Duess la Romania sesligiar ne calar ded exister per munconza de commembers, duei sia facultat restar deponida duront 20 onns tier igl Uffeci Cirquital della Cadi e vegnir restituida alla societat, en cass ch' ella sereconstituess. Daventa quei buc, croda la facultat alla Biblioteca Cantonal a Cuera e duei vegnir impundida exclusivamein per augmentar sias ovras romontschas.
